

سنة لکى در سعادت ایچون مجیدیه
بکرمی غروش حسابیه الشمس
غروشدر

طشره ایچون بوسته احرى اوله رق
اون نش غروش ضم اولتور

نسخه سی ٤٠ پاره در

تَبْلِغَاتُ

آبونه اولق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ابدیلور

نسخه سی ٤٠ پاره در

هفته ده ایکی دفعه جمعه ابرتسی و چهارشنبه کونلری نشر اولتور. محتویاتی امور عدلیه به متعلقدر

تَبْلِغَاتُ

شایعاً عهده تصرفنده بولنان باغچه قیوسنده کائن
بر باب دکانک بالتخلیه طرفه تسلیمی حقنده و مستأجری
مانولاکی علیهنده در سعادت بدایت محکمه سی ایکنجی
حقوق دائره سندن استحصال ایلدیکی اعلام حکمیه
متراکم بدل ایجار و مصارف محاکمه دن طولانی مطلوبی
اولان مبالغ معلومه نك استیفاسی ایچون مذکور
دکان دروننده کی اشیا نك حجزینه دائر ویریلان قرارک
تفید و اجرا قلمامقده اولدیغه دائر تجار دن لازاراک
امضاسیله اعطا قلوب در سعادت اعلامات نظامیه اجرا
دائره سندن بادرکنار انجمن عدلیه به تودیع اولنان
عرضحال اوزرینه دکان مزبوری اخیراً مستدعی لازاراک
کینک دیگر متصرفلر یله بر لکده بر قضاة مقاله نامه منظوم
قنجه تبعه یونانیه دن دیمستونی نام کسنه به ایجار ایلدکاری
کبی مزبور مانولا کینک دخی مأجور مذکور تخلیه
و مستأجر ثانی به تسلیم ایله حکم اعلامی قبول و تفید
ایتمش و دیگر مصدق مقاوله نامه مندرجانسه نظراً
ذکر اولنان اشیا دخی یونانی مرقومک مال مشتری
بولنش اولمسندن ناشی دائره اجراجیه مأجورک
تخلیه سی و اشیا نك حجزی یولنده اتخاذ معامله به محل
اولدیغی تضمن ایدن درکنارک فقرات اخیریه سی جای
اعتراض کوریه مامش و مستدعینک بدل ایجار
و مصارف محاکمه دن طولانی مطلوبی اولان مبالغ ایچون
دائره مزبوره به مراجعتی وقوعنده قانون مخصوصه
توفیقاً ایجابنک ایضا قلنه جنی طبیعی بولنش اولدیغندن
بورالری نك کندوسنه تفهیمی ضمننده عرضحال
مزبورک امور حقوقیه مدیریتنه تودیبی افاده قلممشدر.

مَحَاکِمَاتُ مَقَرِّاتُ

بابای عتیق قضا نك رزی قریه سندن اسماعیل
اوغلی مصطفای قتل ایلدیکی ادعا اولمسندن دولای
جنایتله اتهام اولنان مصطفی بن حسینک اون بش

سنه مدته کورک قونلسنه دائر قرق کلیسا سنجاغی
بدایت محکمه سی جزا دائره سندن ویریلان ٢٣٨
نومرولی اعلام

عزیزیه قضا نك قوری دره قریه سندن ملا
ولینک انشای راهده اوکنه جیقه رق معامله جبر
و شدت استعمالیله نقود و اشیا سی اخذ و سرقت
ایلدکاری ادعا اولمسندن دولای جنایتله اتهام اولنان
طازی سعید بن حاجی ابراهیم ولومبار اوغلی مصدق
و مرآت بن مرآتک اوچر سنه مدته کورک قونلری نه
دائر قره حصار صاحب سنجاغی بدایت محکمه سی
جزا دائره سندن اعطا قلنان ٩٣ نومرولی اعلام
حسمن نام دیگر حسین اوغلی محمد علینک کیفیت
قتلندن دولای جنایتله اتهام اولنان ملا محمد اوغلی
حسمنک اون بش سنه مدته کورک قونلسنه دائر
ارطغرل سنجاغی بدایت محکمه سی جزا دائره سندن
اعطا قلنان ١٧٥ نومرولی اعلام

شیخو بن حسونک کیفیت قتلندن دولای جنایتله
اتهام اولنان عبدالرحمن بن یونسک اون بش سنه
مدته کورک قونلسنه دائر موصل ولایتی استیناف
محکمه سی جزا دائره سندن اعطا قلنان ١٨٥ نومرولی
اعلام

علی بن حاجی حسینی قتل ایلدیکی ادعا اولمسندن
دولای جنایتله اتهام اولنان اسماعیل بن احمدک
اون بش سنه مدته کورک قونلسنه دائر حلب ولایتی
استیناف محکمه سی جزا دائره سندن اعطا قلنان ٥٨١
نومرولی اعلام

عبدو بن فلاحی قتل ایلدیکی ادعا اولمسندن
دولای جنایتله اتهام اولنان بکری بن محمود ردا نك
اون بش سنه مدته کورک قونلسنه دائر حلب ولایتی
استیناف محکمه سی جزا دائره سندن ویریلان ٣٧٩
نومرولی اعلام

مناره جی خرستونک کریمه سی استیلیانوبی قتل
ایلدیکی ادعا اولمسندن دولای جنایتله اتهام اولنان
جقمق اطناش اوغلی بمیقونک اون بش سنه مدته
کورک قونلسنه دائر صاروخان سنجاغی بدایت

محکمه سی جزا دائره سندن ویریلان ١٠٠ نومرولی
اعلام

صامسولک قاضی قریه سی جوارنده واقع قره -
غولخانه ضبطه لرندن محمد بن محمودی قتل قصیده
جرح ایلدیکی ادعا اولمسندن دولای جنایتله اتهام
اولنان اسماعیل بن سلیمانک اوچ سنه مدته کورک
قونلسنه دائر جانیک سنجاغی بدایت محکمه سی جزا
ویریلان ١١٠٢ نومرولی اعلام

ولی نام شخصی جرح ایدرک ایکی کوزینک
رؤشن محرومیتنه سیدیت ویردیکی ادعا قلمسنندن
دولای جنایتله اتهام اولنان موسی بن محمد حیدر
اوچ سنه مدته کورک قونلسنه دائر صاروخان سنجاغی
بدایت محکمه سی جزا دائره سندن ویریلان ٩٤ نومرولی
اعلام

کوچک محمد اوغلی حسنی قتل ایلدیکی ادعا
اولمسندن دولای جنایتله اتهام اولنان قوجه بیق
اوغلی محمد بن ولینک اون بش سنه مدته کورک
قونلسنه دائر چوروم سنجاغی بدایت محکمه سی جزا
دائره سندن ویریلان ٣ نومرولی اعلام

شریفه خانمک کیفیت جرحندن دولای جنایتله
اتهام اولنان علی بن محمدک اوچ بیق سنه مدته
کورک قونلسنه دائر لازستان سنجاغی بدایت
محکمه سی جزا دائره سندن اعطا قلنان ٣٨ نومرولی
اعلام

کنفری ردیف طاووری دپویندن نقود ابریه
و محلفات عسکریه اثباتی سرقت ایلدیکی ادعا اولمسنندن
دولای جنایتله اتهام اولنان کنفری عثمان بن بیجا نك
بش سنه مدته قلمه بند ایلسنه دائر کنفری سنجاغی
بدایت محکمه سی جزا دائره سندن ایکنجی دفعه اوله رق
ویریلان ٢٧٦ نومرولی اعلام

قائن والده سی ماریقه بی قتل ایلدیکی ادعا اولمسنندن
دولای جنایتله اتهام اولنان ارکری ولد مارقونک
اون بش سنه مدته کورک قونلسنه دائر در سعادت
جنایت محکمه سندن ویریلان ٨١ نومرولی اعلام
بطلاق اوغلی علینک قاتلی مصطفایه معاونت

ایندکری ادعا اولنمندن دولای جنایتله اتهام اولان کل احمد بن عثمان و خلیل بن محمد و علی بن علینک و یاسین بن زبورک اوچر سنه مدترله کورکه قونلرینه دایر حلب ولایتی استیناف محکمه سی جزا دایره سندن اعطا قلنان ۱۳۷ نومرولی اعلام

سلیمان بن ابراهیمک کیفیت قتلندن دولای جنایتله اتهام اولسان مقتول مرقومک اوکی اوغلی مرآتک اون بش سنه مدته کورکه قونلرینه دایر سیواس ولایتی استیناف محکمه سی جزا دایره سندن اعطا قلنان ۴ نومرولی اعلام محکمه تمیز جزا دایره سنجه تصدیق قلمشدر .

درسمادت جنایت محکمه سندن اعطا قلنان اعلامدور :

اوجوز یکریمی برسنه سی مایسنک سکنجی جمعه ابرتسی کونی اخشامی ساعت اون بر راده لرنده استانبوله وزیر خانک یکریمی برنومرولی او طه سنده او بایلیق صنعتیه اشتغال ایدن استانلی رانی بالمنازعه محاقله حرجه قل ایلیسی اداسیه مظون علیه اولان تحت قلمده طابوره جی خانده اون بر نومرولی او طه سده اقامته اغزلقجی اولدیفنی سویلیان یکریمی یاشنده استانلی محمد امین بن ابراهیم ادهمک جنایتله اتهامه دایر هیئت اتهامیه تنظیم قلنان مضطبه ایله استیناف مدعی عمومیلکنک ۱۲ تموز سنه ۳۳۱ تاریخ و ۳۱۷ نومرولی اتهامیه سی اوراق متفرعه سیله معاً محکمه جنایتله تودیع قلمقله بالمطالعہ تفصیلاتی اولیابده طوئیلان ضبط نامه دن مستبان اوله جفی اوزره اصول محاکمات جزایه قانونک باب نانیسنک فصل رایبده محرر اولان معاملات ابتدایه بعد الاضافه اوجوز یکریمی برسنه سی تموزنک یکریمی سکنجی کونی مهم مرقوم علی الاصول توقیف خانه دن کتور دیلرک وکی یوسف کال افندی واستیناف مدعی عمومیلکی معاونلرندن عزتو کاظمیک حاضر اولدقلری حالده محاکمه علنیه اجرا سنه مباشرت و مهم ایله وکیلنه اخطارات لازمه قانونیه اجرا قلندقدن صکره هیئت اتهامیه مضطبه سیله اتهامیه ضبط کاکی شفیق افندی طرفندن قرائت اولندی .

مذکور مضطبه ده مظنون علیه امینک رائی بالمنازعه جرح و قتل ایلیکی حقنده کی دلائل وامارانه انضمام ایدن اخبارات اتهامیه کافی کورلش و حرکی قانون جزانک یوز یمش دردنجی ماده سی حکمی مستلزم افعال جنایتدن بولنش اولدیفندن جنایتله اتهامیه قرار ویرلیدی محرر و اتهامیه ده دخی

مرقوم امینک مضطبه مذکورہ مندرجانی وجهله اتهام ایلدیکی مسطر دور . اتهامیه امینک خلاصه سی جانب ریاستدن مهم امینه تفهم و توضیح و معاون موی الیه طرفندن دخی دعوانک تشریح اولنسنی معقب مهم مرقوم سولتند برلده که کندوسی حال جتده بولندیفنی جهته هیچ بریشیک فرقدده اولمدیفنی سرد ایندی .

بولک اوزرینه ۷ مایس سنه ۳۳۱ تاریخ ضابطه عدلیه تقریری الیه مقتول راتک معاینه سی حاوی طبیب راپوری و مهمک استنطاقاً مضبوط بولسان افاده سی دخی اوقوندیرلیدی . تقریرده : اوجوز یکریمی برسنه سی مایسنک بدنجی جمعه ابرتسی کونی اخشامی ساعت اون بر راده لرنده طابوق بازارنده کائن وزیر خانده بر آدمک جرح و قتل ایلدیکی استخبار ایلمکله محل مذکور کیدیلرک تحقیقانه ایتدار اولندقدده مذکور خانده اجرای صنعت ایدن کهر باجی باشی علی بکک ایشجیلرندن رائف نام شخصک مقتولاً برده یاتمده اولدیفنی کورلمکله جاری اولدیفنی اکلشیلان امین دردست اولنهرق استجواب اولندقدده مقتول الیه بر او طه ده چالیشمقدده اولدقلری و وقعه کونی ینلرندده منازعه ظهور ایتکله مرقوم راتک کندی بلنده بولسان بیخانی الوب کندوسی جرح ایتک ایستدیکندن بیخانی الدن المش ایسه ده جرح و قتل ایلدیکی درخاطر ایده مدیکندن بخشنه تاویلاً اقرار جرم ایلدیکی اشعار و راپورده مرقوم رائف معاینه اولندقدده تخمیناً یکریمی ایکی یاشنده قوی الینه وسط القامه بر شخص اولوب صدرنک صول طرف برنجی و ایکنجی مسافه بین الضلعیه سی خذاسنده اوجی سیوری بروزی کسکین الم قاطعه الیه حاصل اوج ساتیمترو طولنده عمقی جوف صدره نافذ برعد جرحه و صول عضونک قسم متوسط وجهت انیسنده ایکی یچق ساتیمترو طولنده عمقی عضله درونه قدر برعد جرحه و صاغ النک سیاه پارمکنک ایکنجی مقصل سلامیه وجهه راضیسنده اوج ساتیمترو طولنده عمقی عضله قدر و اتار جانبیه لری مقطوع کذلک برعد جرحه و صاغ مشط الیدی ظهرندده درت ساتیمترو طولنده عمقی عضله قدر و عظام مشطیه نسباً مکسور دیگر برعد جرحه و صول فخذی قسم علویسی طرف قدامنده برساتیمترو طولنده سطحی برعد جرحه و فخذ مذکورک وسط وحشیسنده ایکی یچق ساتیمترو طولنده و قسم سفلیسی طرف قدامنده بریچق ساتیمترو طولنده عمقلری عضله قدر ایکی عدد جرحه که جمعا سکن عدد جروح کورلیدی و جروحات مذکورده دن صدرنک

صول طرف برنجی و ایکنجی مسافه بین الضلعیه سی خذاسنده کی جرحه دن آلتک اوجی بالدخول ذروه زنه وشریان تحت الزقوة ایسری جرح و قطع ایتکله حصوله کلان سیلان دم داخلندن متأثراً و معقلاً وفات ایلدیکی ازار قلنمش و مهمک استنطاقاً و قو . عیولان افادانی دخی کندوسی ایکی یچق سنه مقدم اوزون چارشوده دستکله صاحبی وزنکین بولندیفنی حالده ضرور زیانه دوجار و فقر و حاله مبتلا اولدیفندن تخمین ایتکله بیمارخانه یه کوندیرلیدی و ایکی ماه طرقدده کسب افاقله چقمش ایسه ده ازه صره عقلنه بر طور غنای عارض اولمقدده ایدوکی وقعه کونی اخشام اوستی متوفی رائف ایسه البسه سی چقارمقدده ایتکین بوکونده بردی کلدی نورا ده فصل چالیشمکی بن فورقادم اناسی عورتی فلان ایدم دیو اطاله لسان ایتکله کیمه سویلیورسک دیدیکنده سکا سویلیورم دیلرک تیور اودانقله اوزرینه هجوم ایلدیکندن مرقومه صارقله و مرقوم رائفه تیوری زه اتوب کندی بلنده بولسان بیخانی المقله کندوسیده مرقومی بیلکندن طونوب بیخانی الدیفنی و شو صرده قورقودن کندوسنه بنه رفائق کلدیکندن نه یایدیفنی بیلدیکنی و بالاخره کندوسی قره غولخانه ده بولدیفنی خصوصاً سندن عبارت بولنشدور .

قرائت اولان اوراق مندرجانه قارشونده چیکی مهم امیندن صورلدقدده افاده سابقه سنده اصرار ایلدی .

* مدعی عمومیلک مقاومتدن معطی بوصله ده اسامیه سی محرر اولوب دعوت واقعه یه اتباعاً ورود ایتدکلری خبر ویرلان شاهدلر برر بر حضور محکمه یه چیقاریدرق لدی السئوال طرفینه برکونه قرابت و مناسبت و غرض و خصوصتلی اولمدیفنی اکلشیلندن و علی الاصول تحلیقلری اجرا قلندقدن صکره منفرداً و مواجهه استماع اولندقلرندده بولردن قومقوده دلبدجی خلاصه ساکن اولوب وزیر خانده کان او طه لرده و محمود باشاده کی مغازه ده و سرکه جیده تراموای جاده سنده واقع دکانه کهر باجی ایدوکی سویلیان فرق بر یاشنده استانلی علی بک ابن صادق وقعه کونی وزیر خانده او طه و مقدمه ایتک مقتول راتک پدیری رفت اغانک امان اولادم اوریلور دیو فریاد ایتیمی اوزرینه قوشوب باقدیفنده مهم امینک برلکه چالیشمقدده اولدقلری او طه نک کوشه سنده مقتول راشی صقیشدره رق التده بولسان بیوکیه بریخاقله مقتول مرقومک وجودنه صوقوب چیقارمقدده اولدیفنی کورمسبله کندوسی مهم مرقومک آرقه سندن قوچاقلاوب قوللرندن طوندیفنی و کلان

ارداشک دخی بیخانی الدن الدیفنی و بواناده مهم مرقومک بی براق سنک خصم و اقرباکی اوردم راشی اوردم دیدی ایسه ده بر اقیوب ورود ایدن مأمورین ضابطه تسلیم ایتدیکنی و راتک دوشوب فوت اولدیفنی و سبب جرحی سؤال ایتدیکنده بخله اکتیور انک ایچون اوردم جوانی ویردیکنی افاده استنطاقیه سنه موافق صورنده اخبار و عندالاستیضاح متهمده هیچ بروقت جنت علانی کورمدیکنی و بیمار خانه یه کیتدیکنک اصلی اولمدیفنی و دیدیکنی امینک حضور محکمه ده کی مهم ایدوکی علاوه کفار ایلدی . (مابعدی کله جک سحبه)

بورکینک محضه مضی سرکه صاندیفنی ثابت اوله مدیفندن برائته

حق دخولی اولمدیفنی حالده نازییه خانمک خانه سنه کوردیکی ثابت اوله میان کال افندیکنک برائته حاجی مصطفانک حسین افندیکنک اچقسنی دولاندردینی ثابت اوله مدیفندن برائته وبتالی افندیکنک ایساق نام چو جنی ضرب ایلدیکی ثابت اوله مدیفندن برائته

اسکدارده عناده ده ساکن حسین اغانک ملک خانی ضرب ایلدیکی ثابت اوله مدیفندن برائته سقرات و قزاقو و یاقومینک اندونک اچقسنی سرفت ایلدکلری ثابت اوله مدیفندن برائتیرنه مصطفانک ایتیمی سوء استعمال ایلدیکی ثابت اوله مدیفندن برائته

طناشک قوچونک دکانی جامنی قیردیفنی اکلشیله مدیفندن عدم مسئولیت

فوطیه و دینو و واسو قادیسلرله کرباقونک دقتیزلک و نظامانه رعایتیزلکه حریق ظهورینه سببت ویردکلری ثابت اوله مدیفندن برائتیرنه بونان دولتی تبه سندن ایدونک لثونی ضرب و اموال منقوله سنه ایراث خسار ایلدیکی و قومیسر محمود افندی یه اجرای مأموریت حالنده حقاتر ایلدیکی ثابت اولدیفندن یکریمی کون حبسنه

ژاندارمه عمر اونباشنک صوفیه قادینه اطاله لسان و مزبورنک دخی مرقومی ضرب ایلدیکی ثابت اولدیفندن هرا یکسنک برر هفته حبسلرینه قاضی کوبنده ساکن عثمانک یانی ضرب ایتدیکنی ثابت اولدیفندن برهفته حبسنه

قاضی کوبنده ساکن رسول و اسماعیل حقینک مضارب ایتدکلری ثابت اولدیفندن برهفته حبسلرینه انشیک خانه سنه کیردرک قیزی صوفیه یه تشهر سلاح ایدن علی حیدرک ایکی آی حبسنه

پولیس قومیسری محمود افندیکنک ابراهیمی ضرب و محمد ایله مرقوم ابراهیمه اطاله لسان ایلدیکی ثابت اولدیفندن سکن کون حبسنه اوسته سی قهوجی مصطفانک باره سی صندوقندن اخذ و سرفت ایلدیکی ثابت اولان محمدکالی ماه حبسنه اسکدارده باغرایاشنده ساکن باموچیان قالوسک دیبولمایز اجرای طبابت ایلدیکی ثابت اولدیفندن ایکی لیرا جزای نقدی آلتسنه

اسکدارده یکی محله ده ساکن قره کینک کینایی ضرب ایلدیکی ثابت اولدیفندن برلیرا النهرق مضروب اعطاسنه

اسکدارده یکی محله ده ساکن لامبو و یانینک مضارب ایتدکلری ثابت اولدیفندن برهفته حبسلرینه قاضی کوبنده ساکن محمدک و اسیلی ضرب ایتدیکنی ثابت اولدیفندن برلیرا النهرق مضروب اعطاسنه

اسکدارده اغا حمامنده ساکن رأفت افندیکنک دیمتری ضرب ایلدیکی ثابت اولدیفندن برلیرا النهرق مضروب اعطاسنه

ابراهیمک طاهر اغانی ضرب ایتدیکنی ثابت اولدیفندن برهفته حبسنه

قوزغنجقدده ساکن ایساق ونسیمک تنکجی ایساقی ضرب و بولردن نسیمک تشهر سلاح دخی ایلدکلری ثابت اولدیفندن ایساقک برهفته ونسیمک اون کون حبسلرینه

محمد افندی ضرب ایدن ایتالبادولتی تبه سندن جوانیدن برلیرا النهرق مضروب اعطاسنه

تنیهاه مخالفت ایدن روسلی دیمتیردن بش بشلک جزای نقدی اخذینه لیلار رجباغانک اشیا سی سرفت ایدن اذمیدلی احمدایله بارطینی عثمانک عین فیلدن محکوم بوللرندن دولانی طقوز آی حبسلرینه

مصطفانک خانه سی طاشلادیفنی ثابت اولان باغالتیده ساکن علینک یکریمی درت ساعت حبسنه والی بشلک جزای نقدی آلتسنه

کور سرفت ایدن اسماعیلک اوج آی حبسنه اجرای مأموریت حالنده کورجی حسی ضرب و مرقومه اطاله لسان ایدن پولیس مأموری فضلی افندیکنک اون کون حبسنه

محمدک مجروحیتنه سببت ویردیکنی ثابت اولان قاسم باشاده بارکیور سوریجیسی محمدک برهفته حبسنه درسمادت ، بک اوغلی و اسکدار دایات محکمه لری جزا دایره لرنبه قرار ویرلشدور .

مجازات جنایتله

برمدی قضای دایات محکمه سی مدعی عمومی معاون وکی پولیس مأموری اسماعیل و ضبطه ملازی شاهین و طیب زاخاریا افندیلرله ژاندارمه چاوشی شاکر و اونباشی دانیال و مختارسلیمانک وظیفه قانونیه لری سوء استعمال ایتدکلری بایه ولایتی استیناف محکمه سی مدعی عمومیلکندن ارسال اولان اوراق تحقیقیه مندرجاندن اکلشلمسی اوزرینه موی الیه مدن ضبطه ملازی شاهین و زاخاریا افندیلرله ژاندارمه چاوشی شاکر و اونباشی دانیال و مختارسلیمان حققرنده توجیداً تعقیبات اجرا اولنق اوزره مدعی عمومی معاون وکی موی الیه پولیس اسماعیل افندیکنک اجرای محاکمه سنه عدلیه نظارت جلیله سندن مأذونیت ویرلرک مذکور مدعی عمومیلک تبلیغات مقتضیه ایفا قلمشدر .

اعلانات

ارضروم استیناف مدعی عمومیلکنده :

تشهر سلاح و سائرده ن طولانی مظنون علیه بولنان خازولی قریلی ککو اوغلی حسینک ارضروم ولایتی استیناف محکمه سی جزا دایره سنده محاکم لری اجرا قلمق اوزره جنایتله اتهامیه قرار ویرلش و کندوسنک حال فرارده بولندیفنی اوراق تحقیقیه مضادندن اکلشلمش اولمغه مرقومک هر زرده کوربولورایسه دردستیه محکمه مذکورده توقیفخانه سنه تسلیمینه بالجله ضابطه عدلیه مامورلرینک مجبور و مکلف بولندقلری مشعر اشیو اخذ و گرفت مذکور سی ارضروم هیئت اتهامیه سندن بالتتظیم اعطا قلندی .

کینی قضا سنک هوسنک ناحیه سنه تابع ازنا قریه سنک قره قوچ مزرعه سی باصره رق حیواناتی غضب و تعقیبه کیدن اشخاصدن قره قوچ قریلی سعدو اغانک اوغلی یوسف قتلندن طولانی مظنون بولنانلردن خاریکلی عمو کوزنک اوغلی علو و دبو اوغلی فقی و کتجنجی غنه تابع کوسنک ناحیه سنک قلمه جک قریلی کورعمونک اوغلی یوسف اغانک خدمتکارلری چورتانلی محمد جان و خیلو اوغلی ملو و خاریک قریلی حسن اوغلاری محمد و عمر و حاجی نام شخصلرک ارضروم ولایتی استیناف محکمه سی جزا دایره سنده محاکم لری اجرا قلمق اوزره جنایتله اتهامیه سنه قرار ویرلش و کندو

لرینک حال فرارده بولندقلری اوراق تحقیقیه مفا-
دندن اکلاشلیمش اولغله مرقومونک هر زره ده
کوریلورلرایسه دردستلریله محکمه مذ کوره توقیفخا-
نه سنه تسلیملری لازم کله جکی بالجله ضابطه عدلیه
مأمورلرینک معلومی اولمق اوزره اشیواخذ وکرفت
مذ کوره می ارضروم هیئت اتهامیه سندن تنظیم واعطا
قلندی .

ایکینجی تجارت محکمه سنده :

بک اوغلنده لوکسبورغ غازیوسی قارشوسنده
۱۶۳۳ نوسرولی شرق لوقطه سنده ویوک اطهده ساووا
نامبله معروف اولنده اجرای تجارت ایتمکده ایکن
۴ شباط سنه ۳۲۱ تاریخندن اعتباراً اعلان افلاسنه
حکم اولنش اولان لوقطه جی واولنجی ازبکیانک مصالح
افلاسیه سنک رؤیت وتسویه سی ضمنتده اعضای محکمه دن
سعادتلو رضا بکک ژوز قومیسر ودعوی وکیللرندن
یادکاراوغلی پاولاکی افندینک موقت سندیک تعینلرینه
ولوقاطه سیله اولنده موجود اتمه تجاریه واشیای
زائده بیتیه سنک تمهیرینه واوراق ودفاترینک جلبنه
وکفالت معتبره اراشه ایدمیدیکی حالده حبس وتوقیفه
وبوبایده کی قرارک موقه اجراسنه ایکنجی تجارت
محکمه سندن قرار ویرلمش اولدیغندن قانوننامه تجارتک
۱۷۰ نجی ماده سی موجبجه دائمی سندیکلر انتخاب
اولنق اوزره شهر حالک اون سکزننجی جمعه ایرتسی کونی
ساعت یدی راده لرنده اصحاب مطلوبک محکمه مذ کور-
ره نک مصالح افلاسیه رؤیتنه مخصوص اوطه سنه کللری
اعلان اولنور .

استانبولده قاضی مسکرخاننده قاضی مسکر زاده وهی
وحکمت بکلرک ۱ شباط سنه ۳۲۱ تاریخندن اعتباراً
اعلان افلاسنه و مصالح افلاسیه نک رؤیت وتسویه سی
ضمنتده محکمه اعضا ملازمی عزتلو یاقتو افندینک
ژوز قومیسر ودعوی وکیللرندن احمد مختار ویادکار
اوغلی پاولاکی افندیلرک موقت سندیک تعینلرینه
ومغازه سیله اشیای زائده بیتیه لرینک تمهیرینه واوراق
ورفاترینک جلبنه وکندولرینک کفالتیه ربطه وبو
بایده کی قرارک موقه اجراسنه ایکنجی تجارت
محکمه سندن قرار ویرلمش اولدیغندن قانوننامه تجارتک
۱۷۰ نجی ماده سی موجبجه دائمی سندیکلر انتخاب
اولنق اوزره ۳۲۱ سنه سی شباطنک ۱۶ نجی بخشیه
کونی ساعت یدی راده لرنده اصحاب مطلوبک محکمه
مذ کوره نک مصالح افلاسیه رؤیتنه مخصوص اوطه سنه
کللری اعلان اولنور .

اقره مرکز تجارت محکمه سنده :

۱۵ کانون اول سنه ۳۲۱ تاریخنده اقره تجارت
محکمه سندن افلاسیه حکم اولان بوسیق اوغللری
ویچن واونیک اغالرک خصوصات افلاسیه لرینک رؤیت
وتسویه سی ضمنتده دعوی وکیللرندن استوقیان
ارمناک افندی اصله سندیک تعین قلنش اولدیغنه
مبنی مجلس مرقومان ذمتلرنده آله جنی اولانلرک
قانوننامه تجارتک ۱۹۹ و ۲۰۰ نجی ماده لری موجبجه
تحقیق دیون ایچون تاریخ اعلانندن اعتباراً بکرمی بر
کون ظرفنده سنداتی محکمه کاتبه تسلیم ومدت
مذ کوره ختامی ولی ایدن شباطک بکرمی برنجی صالی
ویکرمی ایکنجی چهارشنبه ویکرمی اوچنجی بخشیه
کونلری اقره ولایتی تجارت محکمه سنک مصالح
افلاسیه رؤیتنه مخصوص قلم اوطه سنه کله رک سندیک
افندی مواجهه سنده آله جقلرینی اثبات وقیدوتصدیق
ایتدیرملری ومدت مذ کوره ده اثبات وجود ایده میان
آله جقلولر حقنده قانون مذ کورک ایکیوز اونجی
ماده سنه توفیقاً ایفای معامله اولنه جنی اعلان اولنور .

اطنه تجارت محکمه سنده :

اطنه تجارت محکمه سندن افلاسنه حکم ایدلمش
اولان واسیل ودمتری جاموسی شرکتک خصوصات
افلاسیه سنک رؤیت وتسویه سی ضمنتده دعوی
وکیللرندن یواناکی افندی اصله سندیک تعین قلنش
اولدیغندن مجلس مرقومان ذمتنده آله جنی اولانلرک
قانوننامه تجارتک ۱۹۹ و ۲۰۰ نجی ماده لری موجبجه
تحقیق دیون ایچون تاریخ اعلانندن اعتباراً بکرمی بر
کون ظرفنده سنداتی محکمه کاتبه تسلیم ایللری
ومتد مذ کوره ختامندن صکره اوچ کونده یعنی
۳۲۱ سنه سی شباطنک اون بشنجی چهارشنبه واون
التنجی بخشیه واون سکزننجی جمعه ایرتسی کونلری
محکمه مذ کوره نک مصالح افلاسیه رؤیتنه مخصوص
اوطه سنه کله رک سندیک موسی الیه مواجهه سنده
آله جقلرینی اثبات وقیدوتصدیق ایتدیرملری ومدت
مذ کوره ده اثبات وجود ایده میان آله جقلولر حقنده
دخی قانون مذ کورک ۲۱۰ نجی ماده سنه توفیقاً
ایفای معامله اولنه جنی اعلان اولنور .

اطنه مقيم ماكنه جيان اغوبك ۱ حزران سنه
۳۲۱ تاریخندن اعتباراً اعلان افلاسنه و مصالح
افلاسیه نک رؤیت وتسویه سی ضمنتده محکمه نک دائمی
اعضاسندن رفعتلو پانده لی افندینک ژوز قومیسر
ودعوی وکیللرندن کریاقو افندینک موقت سندیک
تعینلرینه وتجارکاهی الیه اشیای زائده بیتیه سنک
تمهیرینه واوراق ودفاترینک جلبنه وکفالت اراشه

ایندنجیه قدر حبس وتوقیفه واشبو قرارک موقه
اجراسنه اطنه تجارت محکمه سندن قرار ویرلمش
اولدیغندن قانوننامه تجارتک ۱۷۰ نجی ماده سی موجبجه
دائمی سندیکلر انتخاب اولنق اوزره ۱۱ شباط سنه
۳۲۱ جمعه ایرتسی کونی ساعت الی راده لرنده اصحاب
مطلوبک محکمه مذ کوره نک مصالح افلاسیه رؤیتنه
مخصوص اوطه سنه کللری اعلان اولنور .

ازمید سنجای بابت محکمه سی اجرا دائره سنده :

ازمید تابع حمیدیه قریه سندن کورجی بیرام
زاده حسین اغانک ینه ازمیدک دکرمان دره قریه سندن
چلبی زاده حسین بک ذمتنده برقطه اعلام نظامی
ایله آله جنی اولان مبالغ معلومه نک تأمینی ایچون
مدیون موسی الیه ک دکرمان دره قریه سنک بچارلر
موقعنده کائن حدود اربعه سی صاحب سند ذایخادن
المش اولدینی ترالایله نعلبند حاجی حسن اغا قوریسی
صاحب سندک بیراقدار اوغللری ایله جایی محمدن
الدینی ترالایله محدود چلبی محمد اولادلری عمر بک
وهمشیره سی ذلیخا خانم ایله مشترک یوز اون بش
دونمی حاوی برقطه ترلاده کی حصه سی وینه قریه
مرقومه نک پابلر موقعنده کائن حدود اربعه سی حسین
بک ترلاسی ومصطفی افندی والده سی ذلیخا خاتون
ترلاسی وقباچقی باغچی سی وحاجی عمر کتخد اولادلری
ترلاسی ایله محدود مستقلاً عهدۀ تصرفنده اولان
اون الی دونم اوچ اولک برقطه ترلانک دابن مرقوم
طرفندن حمز آلتنه آلدریلررق فروختی قرارلشدیرلمش
اولدیغندن تاریخ اعلانندن اعتباراً اون بش کون صکره
بالمزاید فروخت اولنه جنی اعلان اولنور .

اقره جاده سنده طموز اوغلی کرچخا سی
وحلواچی اوغلی دکانی واکینلی مصطفی اغا کریمه سی خانی
وحسین بک باغچی سی ایله محدود برباب کارگیر مغازه

ازمید مرکز قضاسنک سال حال اعشار ملز
ملرندن ازمیده مقيم بیاضیان ملقون اغا ذمتنده
ازمید دیون عمومیه اداره سنک الاجنی اولان مبالغ
معلومه نک تأمین استیفای ایچون ملز مرقومک
ازمیده کائن بالاده حدود ومواقعی محرر برباب کارگیر
مغازه سی اداره مذ کوره طرفندن حمز آلتنه آلدریلرندن
مذ کور مغازه نک تاریخ اعلانندن اعتباراً اون بش کون
صکره بالمزاید فروخته تشبث اولنه جنی ازمید بدایت
محکمه سی اجرا دائره سندن اعلان اولنور .